



MOCION DE SUPÒRT ATH PÒBLE DE CATALONHA ENTARA CELEBRACION DERA CONSULTA DETH 9 DE NOVEME SUS ETH SÒN FUTUR POLÍTIC.

Er Estatut d'Autonomia de Catalonha, en sòn article 11, apartat 2 cite:

2. Els ciutadans de Catalunya i les seves institucions polítiques reconeixen l'Aran com una realitat occitana dotada d'identitat cultural, històrica, geogràfica i lingüística, defensada pels aranesos al llarg dels segles. Aquest Estatut reconeix, empara i respecta aquesta singularitat i reconeix l'Aran com a entitat territorial singular dins de Catalunya, la qual és objecte d'una particular protecció per mitjà d'un règim jurídic especial.

Per un aute costat, des dera restauracion dera democràcia enquiath dia d'auè, era Val d'Aran arreconeish eth bon trabalh, era sensibilitat e eth compromís deth Pòble de Catalonha, a trauèrs deth Parlament de Catalonha, tamb era Val d'Aran e era recuperacion de part dera sua istòria, era recuperacion des sues institucions e eth foment dera lengua aranesa, especiaument en sistèma educatiu e era creacion deth sòn autogovèrn. A trauèrs de:

- Estatut de 1979
- Lei de politica lingüística
- Lei de Règim Especial dera Val d'Aran
- Estatut de 2006
- Lei der Occitan, aranés en Aran

Actualment, tanben, s'està tramitant en Parlament de Catalonha en tot dar compliment ath mandat estatutari de 2006, era revision e actualizacion deth règim especiau dera Val d'Aran.

De tot aquest reconeishment qu'a hèt eth pòble catalan, se'n derive un autogovèrn tamb ua capacitat politica, limitada, mès tanben profunda entara gestion de matèries fòrça importantes coma era sanitat e eth benèster, que mos permeten mantíer en aguesti ans de recession economica un nivèu der estat de benèster fòrça positiu. Ath delà tanben der autogovèrn d'Aran e dera nòsta identitat.

Catalonha, se trape ara en un procès polític determinant entath sòn futur. Diuèrsi factors expliquen eth present procès entath "dret a decidir" a trauèrs d'ua consulta enmarcada ena Lei de Consultes populars non refrendàries e participacion ciutadana, aprovada per àmplia majoria en Parlament de Catalonha (CIU, ERC, PSC, IC Verds EuiA e CUP).



Per tot açò, Eth grop municipal de Convergència Democratica Aranesa – Partit Nacionalista Aranès en Ajuntament de Vielha e Mijaran, prepausa ath Plen der Ajuntament de Vielha e Mijaran:

1. Qu'era consulta, ei er esturment mès iniciiau dera expression politica ciutadana d'un territòri e qu'eth sòn resultat non a cap vinculacion ne compòrte cap obligacion juridica.
2. Qu'era Val d'Aran configure ua singularitat en encastre de Catalonha, hèt peth quau, da supòrt ath pòble catalan e as sues institucions entà portar a tèrme era consulta coma esturment d'expression democratica e politica, tamb plenes garanties democraticas e en marc dera legalitat.
3. Qu'eth Plen der Ajuntament de Vielha e Mijaran dejà se prononcièc, unaniment (CDA-PNA, UA-PSC-PM, PP), reconeishent eth dret a decidir deth pòble aranès.
4. En aquest procès, es institucions catalanes tenguen en compde era veu pròpria d'Aran coma pòble diferenciat e territòri istoric que a pactat ath long des sègles era sua liura ligason damb era Corona d'Aragon, eth Principat de Catalonha e eth Regne d'Espanha, en tot preservar enquiara actualitat, per miei der Estatut d'Autonomia de Catalonha de 2006 e era Lei de regim especiau de 1990, era sua autonomia entà ordenar e gestionar es ahèrs publics deth sòn territòri e era especificitat dera sua organizacion institucionau e administrativa (article 94 der EAC), qu'a hèt possibla era gestion d'aqueres atribucions qu'afècten dirèctament es interèssi des araneses e es araneses.
5. Se Catalonha encète un nau camin nacionau, era Val d'Aran, “entitat territoriau singulara laguens de Catalonha” e “realitat occitana dotada d'identitat culturau, istorica, geografica e lingüistica, defenduda pes aranesi ath long des sègles”, d'acòrd damb era definicion der article 11 der EAC, pogue tanben daurir ua naua etapa a favor deth sòn estatus especiau entà garantir eth progrès sociau, eth desenvolopament economic, eth refortiment democratic e eth foment dera cultura e era lengua pròpies.
6. Eth compromís der Ajuntament de Vielha e Mijaran a fomentar era participacion ciutadana en aquesta consulta enes tèrmes anteriorament establerts.

En Vielha, 22 de seteme de 2014.